

湖
海
詩
傳

古人選詩者有二一則取一代之詩擷精華綜宏博并治亂興衰之故朝章國典之大以詩證史有裨於知人論世如唐文粹宋文鑑元文類所載之詩與各史相爲表裏者是也一則取交游之所贈性情之所嗜偶有會心輒操管而錄之以爲懷人思舊之助人不必取其全詩不必求其備如元結殷璠高仲武姚合之類所謂唐人選唐詩者是也二者義類已不同矣子弱冠後出交當世名流及游登朝宁敷歷四方北至興桓西南出滇蜀外賢士大夫之能言者攬環結佩率以詩文相質證披讀之下往往錄其最佳者藏之篋笥名曰湖海詩傳忽忽將六十年而予年亦八十矣去歲自錢塘歸發而觀之則向日所錄蟲穿鼠蝕失者十之二三詩中之人長逝者亦十之八九并有聲消跡滅無所表見者是不得不

急爲傳世也因屬同志編排前後復稍加抉擇要不失乎古
人謹慎之意其得六百餘人編四十六卷以科第爲次起於
康熙五十一年迄於近日其間布衣韋帶之士亦以年齒約
畧附之而門下士并附見焉視感舊篋衍二集多至一倍有
奇亦云富矣間以遺聞軼事綴爲詩話供好事者之瀏覽雖
非比于知人論世而爲懷人思舊之助亦庶幾元結諸公之
遺至于往時盛有詩名而爲投契所未及者則姑置之蓋非
欲以此盡海內之詩也然百餘年中士大夫之風流儒雅與
國家詩教之盛亦可以想見其崖畧或不無有補於藝林

云嘉慶癸亥中秋王昶書

湖海詩傳目錄

卷一

程夢星

張梁

查爲仁

許廷錄

卷二

厲鶚

錢陳羣

盧見曾

顧棟高

戴亨

沈起元

蔣恭棐

尹繼善

張廷琰

王安國

樓儼

卷三

汪由敦

王峻

李重華

劉統勲

陳浩

嚴遂成

卷四

張元

蔡德晉

鄒一桂

彭啓豐

呂熾

楊錫綬

梁詩正

孫灝

商盤

許開基

卷五

嵇璜

英廉

方觀承

陳祖范

周宣猷

彭端淑

董邦達

金德瑛

秦蕙田

蔡新

劉綸

諸錦

杭世駿

卷六

陳兆崙

沈廷芳

夏之蓉

齊召南

符曾

陳撰

朱稻孫

陳章

程廷祚

翁照

馬曰琯

馬曰璐

張庚

陳黃中

胡鳴玉

楊澍觀
曹秀先

卷七

宋邦綏

觀保

德保

錢琦

王會汾

喬光烈

阿桂

祝維誥

高瀛洲

袁枚

卷八

沈德潛

卷九

程景伊

裘曰修

儲麟趾

李繩

姜恭壽

申甫

曾捷宗

楊述曾

寶光龍

章寶傳

鄭虎文

王太岳

廖運芳

熊爲霖

陳宗達

卷十

夢麟

錢維城

蔣元益

閔鶚元

李友棠

宋弼

江權

卷十一

盛錦

周準

陳魁

顧詒祿

韓騏

李果

鄭廷暘

金農

沈之亮

陳皐

吳燭文

趙虹

卷十二

張錫爵

王爾達

王榛

蔡璫

葛景中

沙維杓

張崗

胡承祝

過春山

朱研

朱昂

易諧

陸貽穀

沈懋功

邵玘

王本蕃

王玖

卷十三

梁敦書

廖景文

王鳳儀

王秉韜

邵齊熊

梁國治

汪廷嶼

朱珪

馮浩

錢汝誠

李中簡

張裕華

邵齊然

劉星煒

查禮

余慶長

吳翀

黃文蓮

王元啓

卷十四

劉墉

譚尚忠

周於禮

穆丹

惠棟

陳鴻寶

吳烜

褚寅亮

邵嗣宗

梁同書

錢載

秦鏞

周天度

董元度

紀復亨

沈清任
張鵬

卷十五

翁方綱

顧光旭

蔣宗海

周大樞

陸燿

袁文康

馮廷丞

阮葵生

周震榮

張五典

胡溶

吳維錫

吳桂

梁夢善

朱休度

朱休承

盧鎬

施養浩

王日杏

賈虞龍

陳文錦

卷十六

王鳴盛

紀昀

錢大昕

王又曾

卷十七

倪承寬

胡紹鼎

朱筠

翟灝

平聖臺

蔡書升

葉佩蓀

沈業富

曹學閔

杜玉林

范家相

薛田玉

于宗瑛

汪永錫

李昌昱

劉鑾

周春

鄭來祚

卷十八

沈大成

朱方藹

閔華

陶元藻

朱楷

華玉淳

華淞

江昱

江恂

江立

王廷槐

徐薌坡

林如璋

高景光

卷十九

陶璉

張棟

莊寶書

查岐昌

徐堅

黃之紀

薛龍光

葉抱崧

劉潢

金翀

陸藻

陸藝

涂逢豫

江春

毛大瀛

陸授詩

卷二十

盛百二

朱雲駿

劉秉恬

凌應曾

蕭霖

袁文典

蔣業晉

徐作梅

陸惇宗

曹錫寶

李淑芳
周嘉猷

彭元瑞

卷二十一

蔣士銓

彭紹升

吳寬

孫永清

張遠覽

彭光斗

陸遵書

張銘
張時風

卷二十二

畢沅

諸重光

王文治

吳璜

程之章

吳楷

謝啓昆

錢受穀

王曾翼

裘麟

卷二十三

吳泰來

王宸

祝詰

徐觀海

申兆定

張應均

卷二十四

胡高望

趙翼

陸錫熊

卷二十五

曹仁虎

顧震

吳玉綸

李文藻

嵇承謙

蔣雍植

吳興宗

馮應榴

崔龍見

儲秘書

沈士駿

卷二十六

趙文哲

卷二十七

張熙純

嚴長明

鄭澐

錢維喬

朱孝純

金學詩

馮兆觀

蔣雲師

卷二十八

沈初

韋謙恒

姚鼐

王嵩高

蘇去疾

李集

祝德麟

董潮

吳森

吳霽

卷二十九

褚廷璋

吳省欽

施朝幹

羅有高

張塤

萬鍾傑

奎林

卷三十

張四科

汪棣

鄭炎

陳鴻賓

楊懷棟

朱維魚

金式珪

朱維藩

蔣業鼎

朱漢偉

朱澤生

朱莅恭

王鳴韶

諸廷槐

汪 燾

林大中

張允武

朱 璿

許兆桂

張夢喈

張夢鼇

王 芳

曹錫黼

張登晨

邵 炎

陸文啓

陸文蔚

何王模

金鴻書

朱位行

王陳棟

王陳梁

卷三十一

汪孟銷

朱 炎

金兆燕

謝 垣

沈世燁

孫志祖

彭 禮

徐以坤

陸 敬

陳初哲

陳嗣龍

任大椿

陳 朗

伊朝棟

潘奕雋

吳壽昌

龔敬身

程 沅

王 璜

戚蓼生

于鼇圖

卬 照

嚴 翼

卷三十二

程晉芳

邵晉涵

周厚輅

魯仕驥

徐長發

錢澧

洪朴

伊湯安

彭淑

汪端光

卷三十三

俞炳泰

毛上良

許兆椿

李堯棟

吳俊

李燦

鐵保

馬緯雲

秦瀛

吳蘭庭

趙希璜

高文照

溫恭

吳錫麒

范來宗

顧宗泰

曹錫齡

李廷敬

嚴福

宋思仁

陳繩祖

王啟焜

卷三十四

黃景仁

程夢湘

蘇加玉

殷如梅

朱士廉

朱履長

韓是升

徐麟趾

金夢麟

陸象拱

卷三十五

楊芳燦

吳照

金慰祖

汪中

李旦華

黃驊

陳樹華

卷三十六

張誠

宋大樽

趙秉淵

馮培

馮敏昌

管世銘

錢世錫

李鼎元

王元勳

徐大容

汪如洋

江德量

法式善

吳樹萱

謝振定

吳蔚光

錢塘

程際盛

陸伯焜

史國華

卷三十七

楊揆

趙懷玉

王鼎

汪學金

曾煥

陳廷慶

楊倫馮集梧

俞廷楡沈景熊

邵培德

李驥元

潘奕藻

呂星垣邱思燕

卷三十八

王復

徐書受

何青

胥繩武

劉大觀

王初桐

余鵬翀

黎簡

朱彭

曹秉鈞

朱文藻

金德興

金廷榮

卷三十九

黃易

羅聘

汪履成

陳焯

吳騫

方薰

翁春

慶蘭

吳鈞

蔣元龍

王開沃

王翰青

趙汝霖

莊師洛

徐文錫

孫魯

鍾駕鰲

汪大經

周厚瑄

張雅宗

萬福

石渠

卷四十

徐榮慶

余鶴年

孫星衍

楊夢符

何道生

汪彥博

梁履繩

朱文治

王芑孫

那彥成

阮元

伊秉綬

張錦芳

王廷蘭

洪亮吉

張問陶

桂馥

李賡芸

張若采

洪坤煊

余煜

詹肇堂

吳本

英和

葉紹棿

唐仲冕

章嵩生

孫爾準

顧張思

王文潞

何錦

卷四十一

朱宗大

張燕昌

邵志純

余慶遠

錢大昭

陳變

許宗彥

鮑桂星

吳真

樂鈞

錢林

陸學欽

沈端

繼昌

卷四十二

吳嵩梁

陳文述

郭堃

葉紹本

汪庚

張興鏞

顧蒨

王世錦

王尚珏

馮金伯

史善長

王炳

邵步瀛

王汝翰

卷四十三

張興載

沈端

徐熊飛

金蔡

蔣莘

蔣徵蔚

蔣夔

張彥曾

卷四十四

郭麐

徐葵

王槐

王豫

蔣炯

何元錫

姚椿

楊文蓀

吳引年

蔡元春

袁文揆

胡寓年

卷四十五

華瑞潢

高岑

施晉

朱鐘

陳韶

項墉

胡量

袁廷禱

陳基

陳達

方燮

鈕樹玉

楊之灝

朱桂

湯禮祥

何其偉

李福

徐雲路

石鈞

李方湛

金學蓮

李斗

周中孚

董國華

陶梁

楊惕龍

楊試昕

徐鉞

朱壬

吳嶺

于淵

戴延介

吳傑

章桂

邵保和

王紹舒
王莊壽

卷四十六

方外

明中

篆玉

實源

逸雲

湛汎

性仁

達澄

達瑛

清恒

默可

際祥

覺銘

劉敏

湖海詩傳卷一

青浦王 初德甫輯

程夢星

字伍喬父字午橋江都人康熙五十一年進士官編修

有今有堂集

蒲岡山房詩話先生談於梁利自丁內艱歸終身不出築條園並濟南別業讀書
偃仰其中竹西故南北衝途往來進謁者文酒流連主詩壇幾數十年詩兼法唐
宋而雅好在玉溪生以雪離堤注未精重為箋注其集中句如碧流似帶環雙峽
青嶂如屏抱一村十里廬深因近水一年秋早為多山菱荷風自浮輕慢羅綺香
多過別船女精蘭草翠春綠古渡斜陽照水紅軒因惜竹三間小樓為看山四面
寬一院雨聲聞客後半窗梅影上登初滿場雲深紅杏雨溪煙澹綠楊風花落
尚攜沽酒隨潮來爭泊賣魚船皆清麗可誦予少客竹西暇
日過從門庭蕭寂門案說餅仰其風貌不啻孤雲禁鶴也

五貺樓詠五首

鹿門子以五瀉舟華頂杖太湖研烏龍養和訶陵尊
贈里陵魏處士作五貺詩余齋中無長物有洪源方

竹丈一漚子琴綿津研五茸筆格味諫壺皆友人所
遺壬戌夏於齋前構小樓落成以此貯之題曰五睨
樓余何足以方處士而惠贈諸君則鹿門高致也因
繫以詩

洪源方竹杖

洪源萬花谷去岑山五里許谷中多方竹取以
爲杖枝節稍短而方整明潤絕勝天台所產

洪源故鄉人惠我園中竹方外而虛中寶此數尺玉挂上蓮
華顛晴空寄遐矚

一漚子琴

一漚子明隆萬間僧悟言也所藏琴云賜自神廟流傳三
陽處士汪叔盤較盤歸道山其子以余愛琴因寄贈焉

孤桐斲秋琴散音傳葛嶧昔聞奏雲門禪榻曾寄迹臨風時
一彈何似山陽笛

綿津研

綿津山人端溪研舊有銘
舍人余段自得之贈余

商邱所有銘胡爲落市肆舍人偶得之精英肯自秘愧我不

中書永負良友遺

五茸筆格

雲間僧陰家有竹筆格中半刻此其背滑淨如脂余以詩乞得之

梵夾安筆格形質何離奇老僧解吟詠余乃乞以詩還期山
心室共參玉版師

味諫壺

天門唐南軒館丈齋中多砂壺有狀如橄欖者或憤其拙余獨謂拙乃近古遂枉贈焉名曰味諫

義興誇名手巧製妙圓整茲壺獨擁腫贅若木之癭
呂申公有木癭壺詩
一盞回餘甘清味託山茗

四月二日登康山喜環山歸自新安各賦五言古詩

十二韻

康山近市塵頻年遊跡杳何況家新安江峰隔浩渺今日遂
伴過高堂坐清曉時維四月初節候尙春杪荒樹隱深林曲
逕餘蔓草有客卸帆歸來自桐廬道烟巒盡入手歷覽衆山

小視此城東隅那足事遐討余謂豁心顏一邱亦自好肯賢
急友難繁苴寄竊眇我輩殊蕭閑隨地據曠抱底事返天都
扶筇躡雲表

雨後過讓圃登樓野眺以韋蘇州綠陰生晝寂孤花
表春餘句分韻得綠字

積雨生夏寒輕煙散晴旭勝地游故頻佳招諾敢宿耽吟有
舊侶力疾但朝粥城遠喧不聞樓高紛可矚隔溪餘夕紅羅
戶維新綠麥隴尙微波村徑自歸牧古宅感廢興清襟比風
浴頤傍開士廬更結野人屋

重訂箋注李義山詩刻成題後

西崑無鄭箋遺山昔怡悵况我千載下敢窺秘密藏虞山箋
杜陵惟此亦難讓朱氏本道源注釋未云創所惜作詩意蒙

昧若煙障要非抉其微何以發高唱時從顚祭外一洗優孟
樣楚雨縱含情其義某竊諒穿鑿固不免論說或非妄但求
古人心寧避世俗謗想其不羈才詎肯半李傍君臣朋友間
厚意誰與亮美人怨芳草遂至此浮浪豈知寄託溪直追風
雅上荆公是知己謂與少陵抗杜箋匪一家往往共頡頏梅
溪有蘇注司諫更精當疑誤藉改定後先寧礙妨管中窺豹
斑聊用志所歸

登看山樓觀殘雪用東坡聚星堂雪韻

歲餘萸萸才六葉雅集消寒觀剩雪小玲瓏館最清閑樓上
開眸迴幽絕蒼松倚石老不凋翠篠橫窗低欲折萬鱗堆瓦
瘦逾明一桁遮牆淡疑滅已無亂影作花飛還有殘光驚電
掣依稀遠岫露眉痕約略平池舒面頰蕭齋呵研試烟丸暖

閣圍爐添炭屑簷前霜重多倒垂林際風迴尚斜瞥聚星復
舉潁州令泠然亦效汝南說許云子觀雪泠然臺詩豐年但
願公吏書故事須從汝南說酒闌更擬
賦廣平莫笑詩人心似鐵

布泉歌

乾隆壬戌冬抄西域人黑某攜青綠古器來售中有
布泉千餘云山左鄉人掘土而出者余爲檢視得六
十四種惟平陽安陽可辨餘不盡識攷春秋有平陽
漢書謂之東平陽史記王子侯表安陽侯桀濟北貞
王子索隱表在平原大抵皆漢時物諸家泉譜布泉
十品外載異布不過十餘種未有若斯之多者也因
購得之作歌俟精於古篆者考證焉

黃虞泉制者難攷秦漢鑄造還堪追一刀兩柱別朋貝五銖

半兩分龍龜天鳳以來創十布紛紛名目莽所爲降至後代
祇園法貨布盡廢殊前規蕭梁顧烜略紀載李唐封演推腐
之趙宋李金董洪輩旁搜遠引爭傳疑綜核已非世常見疏
漏未免人猶嗤我 朝方子繼溪氏博學嗜古老不衰嘗蓄
古錢累三百年代一一分滬淄更有扶風兩舅弟亦復愛此
藏書帷余昔間獲一二品竊同寸管誇天窺乾隆壬戌歲冬
杪西域有客來江涯叩門請謁鬻古玩傾倒盡出囊中攜商
尊周卣誠重器雖欲購買無其貲中有異布以千計青斑翠
點光陸離古文奇字詎易識安陽平陽差能知當時侯國各
私鑄大都出自炎劉時獨惜繼漢已仙逝無由攷訂相窮推
越日馬子忽枉過開械一見生嗟咨千有餘歲蝕土壤那能
完好畱今茲古物精英不終秘蟲書有篆侔鼎彝願以此品

補泉志庶幾全備稱精奇字內廣大何不有耳目所見真幾
希偶然得此聊自賞紀其歲月系以詩

同人攜茶集張漁川齋中試惠山泉用山谷謝黃司
業寄惠山泉韻

故人寄茶詩與俱雨前題封紅紙書鷓鴣斑初展一痕翠蟹眼
乍翻百斛珠况截石乳雲碧腴試較蜀井當何如但取清風
生兩腋底須清夢游蒼湖

雨後雨明軒看盆荷再用山谷韻

雨明軒子風月俱種樹自繙老圃書荷葉田田花柄柄午時
驟雨跳新珠素瓷五十紛雪腴三十六陂紅不如晚天吟賞
不歸去小窗清興同江湖

小玲瓏山館題郭熙寒風密雪圖

山館林陰翠欲滴微露清光縈四壁中懸郭熙風雪圖凜凜
嚴威儼相逼枯樹偃枝疑有聲危峯積素真無隙當時藝苑
稱名流譜入宣和擅高格神宗年號章宗璽兩兩標題皆可
識內府珍藏七百年詎料流傳屢沿革不因靈物相護持豪
奪巧偷遭蠹蝕何從寶軸歸君家一丈鷺溪尙完璧時維四
月風雨多銀蟾閉窟陽烏匿對此不覺生夏寒消盡煩蒸轉
蕭索清暑之殿曾高張壽安之宮亦陳迹區區墨妙畱人間
等閑遷徙江南北於今移向草堂看老眼摩挲三太息

和馬嶢谷雪後看山樓小飲

小有玲瓏館春初已報晴瓦溝容雪凍竹杪見山橫飢雀晚
仍下老梅疎轉清幾人共幽賞吟興酒邊生

十月十七夜西疇招集行菴席散復登彈指閣

山舍罷吟初登樓興有餘煙光四野合月影一林虛人語凌
寒寂鐘聲入夜疎城闌歸路遠睡美藉籃輿

五月十二日集篠園

一棹泛初霽荒園夏景深林藏前日雨雲度半湖陰與客分
磯釣有時穿竹吟還期新月上小閣坐橫琴

豆棚

種豆衡門下支棚小院中葉疎偏障日花細不禁風午夢棲
閑蝶涼秋語夜蟲老夫無事日清話有鄰翁

水雲漁屋聽雨分得江字

隔宵猛雨似翻江又送檐聲到紙窗暗入竹梢猶瑟瑟細添
石罅更淙淙已愁攪夢眠難穩更爲催詩意未降最是故人
爪渚夜一燈風舫泊吳艤

謝樊

九日登平山堂分韻得雲字

菊蘘萸佩結幽芬山閣扶筇避俗氛遠岫浮江疑近岸高松
當檻不遮雲開鏤香泛村村醉打稻聲喧處處聞更喜老夫
暖脚健又憑吟檻送斜曛

篠園種竹分得六言絕句二首

原是篠園舊地蕭蕭又漸成林邀風邀雨邀月可茗可棊可
琴

清吟與我同瘦遠俗非君不能開徑應多酒客何妨更有詩
僧

小漪南詩三首 并序

宋葉主簿杞有別業淞江魚鱗涇上扁曰漪南丙申
秋余築篠園二十四橋之東偏復構小亭於溪上澄

潭修鱗可以垂釣蓮房菱實可以樂飢既落成仿主
簿意以名之小云乎哉以果吾腹猶以爲大也

吳淞別業憶前賢博士清詞亦可傳願比潁昌營水竹小漪
南似小斜川

新添亭子傍疎籬幾曲闌干俯碧漪移柳乞桃忙未了清明
又是種荷時

芹青菱白滿平蹊寂寞蓮花十里隄隔得二分明月夜棹歌
只在小橋西

雨後看梅

山齋愁坐雨蕭蕭趁曉看花不待邀應是東風知客到暗香
先送過溪橋

南園春柳詞

覆牆一帶細於絲飛絮年年入硯池記得少陽人喚渡綠陰
深處待船時

又見新條換舊條春風吹瘦女兒腰二分明月菴前影長是
青青壓畫橋

泛舟小漪南觀荷聯句排律三十韻限南字

日涉原成趣夢星荷開肯後探小衫披軟白黃裕短艇汎澄藍容

與經孤嶼程夢逶迤入淺潭茶枰收古懷余茶具挈都籃勝

集欣聯袂程名世良朋快盍簪樹藏蟬嘒嘒程志乾隄夾柳毵毵

園竹紛千个夢星沙鷗狎雨三停撓遵北岸裕曳屐過西菴小

南字在依松菴側曲榭弓方拓夢平池鏡半函開廻縈細浪吳曠敞納

盧嵐直擬居蓮社名世何須問石龕見黃山志繞亭偏旖旎志乾照水

更清酣綴璣晴雲斂夢星晶瑩冷露涵霞蒸顏綽約裕風逼氣

繖繖掩映啼妝遙夢招搖舞袖慙盈盈嬌欲語吳脈脈睡初

愁似列屏間麗名如勻臉際醅凌波羅襪瘦乾出浴黛鬟鬢

絕世雙身少夢傾城一笑堪解愁傳謝沈用謝文君沈君故事設

色倩王譚王友諒宏異種渾難辨夢佳名豈悉諸會心寧在遠

吳騁日未云貪釀熟思仙姍見王荆公詩香生憶老聃見陶令囊來

莖不斷乾雪處藕應甘裂菱能為服夢分枝自可含漢昭帝喧

尤憐浣女裕歡足代宜男以茲代聲聲必使慈人歡雅合揮絃操夢

還憑捉麝談拈毫嫌措拾吳覓句費研覃漫載紅盈舫名徐

傾綠滿甌夜凉人影散乾魚戲葉之南夢

張梁

字奕山號幻花婁縣人康熙五十二年進士有澹吟樓

詩鈔

蒲陽山房詩話先生卜居吾里有保閣堂澹吟樓學圃居叢桂讀書堂鶴徑風清
草堂花陰節藕香亭一松齋書巢備水竹花藥之勝又見農部別業七高文恪公
竹隱在杭州西溪是梅竹最深處每年上元後輒往探梅至雜花俱謝綠陰如幄
乃結過中飲復往看秋山紅葉歲以爲常上琴遇好山水及花月佳時一彈再鼓
錫爲起舞望之者以擬柴桑之處士松陵之散人時姪得天司寇方貴或勸之出
山請要可立致笑不答也晚歲專修淨土至八十三而終其詩宗法王孟韋柳間
效山谷或齋
以見新異云

山莊雜興

青山入牕牖日夕烟嵐濃無心看行雲有興咏古風漁歌叢
竹裏鳥語深松中隔溪佛屋近高枕聞疎鐘卽景自怡悅思
與故人同

霜散碧落迴澄池映岩光臘殘氣未暄草樹懷春陽梅萼破
一二日炙聞妙香雖非飲者流欣然命我觴醉起月在天門
掩山蒼蒼

荒邨一夜雪人跡淨原野飢鳥鳴樹間東犬吠籬下對此逸

景餘扁舟愜心寫四山皓已盈蕭屑空林灑歸來撫香醪感
彼荷蓑者

歲華忽云暮人事焉得聞獨于此棲泊篁徑門晝關方寸自
恬曠素琴時一彈鄰翁偶相過談笑劇歡顏問我何不歸無
言對寒山

彈琴雜詩

昔有累丸者用志凝於神薄藝何足耽亦以示精勤中人異
嗜好如口於甘辛靡麗戰我前危此閒中身牙籤擁書罷羅
薦橫龍唇嘈嘈爭豈問底幾鳴其真吟露草蟲秋晡華山鳥
春拂石一再鼓清風散四鄰

昔買靈開材斷紋盼蛇腹攜之西谿游有舍西谿曲頗似庾
信園雖小亦已足焚香對山僧一彈差不俗響隨澗水落指

與烟霞觸至今泠泠音清夢尙相逐明年正月破此游良可
續不到茶筍時先掃梅花屋

讀嵇中散琴賦有會而作

束髮好鼓琴自謂甚易工初得一聲似曠若意已通學之既
十年茲理彌無窮吾未忘我手焉令諸有空乳泉滴幽洞箏
木含遠風至音本自然聊與相從容

由庚六笙詩何乃實以句昌黎十琴操等之乖其趣誰曰辭
不工於聲倘無與古人意慨然觸物偶有寓冲和寫間曠刺
促含怨慕且非指所傳而謂口能喻附會一何鑒聲失義始
著乃知得其聲辭可悉汰去庶幾無言中時與古人遇

學圃始

隙地種花竹幽居興非淺土膏以養人毋乃等暴殄蔬者穀

之佐日食誰能免抱甕未幾時新菰行可翦宛然野人廬籬

落露華泣夙勤菜盈筐古語聊自勉

夙勤則菜盈
項實見譙子

遣興

晚景知物情閉門却塵雜秋爽入東籬遠山晴見塔空齋藥
氣濃窄徑花陰匝雀字多並檐蜚吟近依榻人閑方晝眠落
葉響誰踏

家兄營別業於杭之西溪時初落成偕雪莊游止卽
事

屋向羣山倚門臨一水斜盡欄深映竹吟棹曲穿花客到轉
迷路人來欲住家桃源那勝此戶外盡桑麻
掩關塵事遠隱几道心平好鳥當軒下新蟬抱樹生岸痕知
久雨山氣識將晴此意誰能道幽居近物情

蟋蟀

只爲聲難悶偏教跡易尋
露花垂墜濕風葉聚離深
切切多私語悽悽更苦吟
老夫牀下穩容汝伴鳴琴

黃宮允唐堂八十生辰集少陵句得五言律六首並
禁複題遵香屑例也

中允聲名久

殊恩且列卿青松寒不落天馬老能行耕

鑒安時論樵漁寄此生

謂公行樂圖

本無軒冕意心跡喜雙清

奉寄王中允維

奉送郭中丞充隴右節度使寄峽州劉伯華使君
贈陳二補闕吾宗邨衣獨酌屏跡

軒冕羅天闕如公復幾人蛟龍得雲雨鵬鴉離風塵鍊骨調

情性虛懷任屈伸神仙才有數酒綠正相親

贈太常張卿三十五使君

奉簡高

八閭老奉贈鮮于京兆寄峽州劉伯華使君
贈王二十二侍御契敬東王明府獨酌成詩

王國稱多士僉僉胄子行使臣精所擇仙老暫相將鑒微勞

懸鏡提攜頗在綱名高前後事回首一茫茫奉贈鮮于京兆 題衡山縣文宣王廟 送頤

人分文學 觀李國請司馬弟山水圖 秋日荆南送薛明府 秋行宮張望督使東諸耗稻 發潭州 懷錦水居止

海內文章伯官高何足論思飄雲物動詞感 帝王尊世

路知交薄家聲器宇存流傳江鮑體高價越璵璠暮春陪李尚書汎舟 佳人

敬贈鄭諫議 奉西贈集賢崔于二學士 從驛次草堂復至東屯茅屋 贈虞十五司馬 贈畢四驥 贈揭僧蘭即師兄

老去才難盡新詩近玉琴文章千古事時序百年心暗水流

花徑荒鉏淨果林維南將獻壽楓岸登青岑寄彭州高三十五使君適西閣 偶題 春

日江都 夜宴左氏莊 課小童勸所舍北枝蔓荒穢 假山 舟中伏枕書懷

伊昔黃花酒明星惜此筵坐深鄉黨敬甘與歲時遷竟日留

歡樂秋風灑靜便八荒開壽域恣意向江天九日登梓州城 春夜峽州田侍御長史津序

留宴 壯游 寄岳州習司馬六丈 觀安西兵過赴關中待命 秋日晚府詠懷 上韋左相 春日江都

從子鶴來別二十年今年歸暮秋過邨居喜作

雀喧叢薄掩籬門返景殘霞帶遠邨寒色小停江上艇晚香
濃引竹間尊陰晴事往嫌重數唱和篇多喜細論落葉蕭蕭
三徑積未妨吟遶藥欄根

查爲仁

字心毅宛平人康熙五十三年舉人有蔗塘未定稿

蒲陽山房詩話蓮坡先生早賦鹿鳴被訐得罪數年而後得釋因發憤讀書博通
典故所居天津水西莊貯書萬卷南北往來名士如萬松庵張英樹趙飲谷等無
不携環結佩延主其家相與覃研詩詞書畫又所娶金夫人含英亦軌風雅人望
如仙其集中句如地偏人跡斷湖定水痕深落花寒食節飛絮平時天晚徑黃花
開有色曉睜殘月落無聲一榻茶烟留客話半簾花影枕書眠皆中晚唐妙句也
今下世四十餘年而莊亦改爲公解矣先生弟儉堂與予交善而子篋槎給事爲
予同年故得其
風流好事如此

大悲院題壁

睠此東林社來尋惠遠師坐深涼意滿吟苦樹陰移白鳥衝
殘照背蘆響暮颺一層樓上望浩蕩自伸眉

留題最上人玉泉山房

初地雲邊構精廬岩腹藏半庭春水活一屋古松香禪已離
文字交須耐雪霜支公客入社分我小匡牀

秋夜

雞蟲得失又何傷聊爾閑吟夜未央簾樹含烟難辨色瓶花
貯水有餘香且煎雀舌添清課尙戀蠅頭讀細行驀地又教
悲老大朝來兩髻點吳霜

佛手柑和查浦伯韻

盈筐相寄自吳船幻出天龍一指禪摩頂雖無心印法拈花
却有妙香傳剖煎翠茗芳逾烈畱伴黃梅色並妍本是毘羅
綿現相越橙吳橘敢差肩

萬松寺

寺前青翠萬株松寺後巉巖百疊峰坐久不知天過午數聲
聽打飯時鐘

許廷鏢

字子遜長洲人康熙五十九年舉人官武平縣知縣有
竹素園集

蒲褐山房詩話竹素先生詩才綺麗始學杜牧之王仲初繼而規模何大復徐昌
穀志和而節雅七言絕句尤爲人所傳誦然性豪放上論古今史事慷慨激發一
官調海嶺嶺數年非其好也既歸長洲居郭外二十里之陳墓河水雲千頃花藥
數畝猶作詩以自遣時時入城與沈歸愚詩蟠清雨公來往教予常得接其談論
憶昔行寄石洲觀察

同心有幾人每作參商隔山川一間之世事復紛迫遂令面
會期迢迢望無極自予走四方奇士龕能識君從蒼梧來秉
心貞且直風義篤友生古道照金石抽思必詣微靈境多獨
闢亮抱璫璵姿文采耀東壁一朝登賢書聲名動京國本以

金閨彥而混簿領職牽絲聊一試政平伏已撻治行遠近聞
間歲乃三陟屬當濱海區伏莽多劫賊白晝肝人肉裨校胥
辟易蔓延將百年流毒過辛螯君來指顧間豺虎吼以撿渠
魁尸桓東降者保黃馘南越百萬戶自此安衽席

先是粵東被盜禍最烈丁役莫

敢捕人人自危君一出而搗其穴散其黨根株既絕四境遂得安枕

何來逢掖生首建不世績

天子

聞其名有喜動顏色既縮銅魚符旋樹牙門戟鸞鳳際清時
九霄行展翮憶昨華掌遊繼遇金臺側溫溫公瑾醇至今猶
在臆武溪重相逢翦燭話疇昔風波一失所感感靡定迹蛩
驅性相依芝蘭氣無敵南睇鳳山雲伊人如可卽緘素屢言
情半被洪喬厄尺書天未來忽見雙飛翼邀我韓亭遊勸駕
詞甚力嗟予值數奇豪氣未全革重爲飢所驅浪作年年客
憂勞能傷人况復暮景逼衰病戀故邱壯遊計久息非君知

愛深胡爲遠行役
啟途歷水陸兩見江月碧
高秋蹋鈴閣君
上珠江鷁盈盈一水間
遙望心如愁
賴茲賓從賢談笑西園
劇鳳雛有清聲
英英覘世澤
覩之散老懷
離思終難釋
昨日報霓旌將發
五羊驛翻因歸
有期更引長相憶
各蘊十年懷
吐之待良覩

題浯溪

浯溪一片石長寄幽人賞
蘊靈亮有基穿徑識所昉
昔遊景已移勝情紛涉想
重來際蕭晨清湘駐雙槳
初日澄遠心水木明秋爽
石梁敲半橫絕壁峭以上
曲徑垂繁陰流泉激清響
富境乃自今過目已成曩
寂寞塵外蹤日見屐幾兩
高秋多白雲空亭自來往

對月懷石洲觀察

憶昔平川月同看淶水流

戊申相別於淶水湖

十年逢此夕獨照海天秋

使節正當路故人今白頭清輝千里共望遠一登樓

香鑪峰

昔夢香鑪頂空中浮紫煙今來瀑布下天半挂流泉遠寺鐘聲斷蒼山月影圓狂歌招李白雙鶴下雲邊

懷宋四嘉掄

依然不得志五載鬢毛疎正挂匡廬席開君蒙澤書生涯各歧路鄉夢半離居憶想對溪上長空流望舒四海誰相識斯人知我心天涯逢令弟話舊一霑襟聞道赤城去蓬萊碧海深爲期秋水濶予亦返楓林

送春

吳兒日暮踏歌回紈扇痕新袖底閑燕子一雙斜掠地不隨

春去却飛來

橋過芳草酒旗橫醉睨當壚倒玉瓶十里好風吹不住亂紅
飛雨過長亭

題家書後

觸撥離情拂彩箋秋風瑟瑟雨綿綿寒燈獨照三千里薊北
江南共不眠

吟鞭遙指酒帘斜唱徧旗亭樹樹花忽憶風光滿吳苑江頭
燕子又還家

乍逢寒食客中情麥飯誰家隴上行如雪梨花如線柳當年
容易過清明

飄零莫怨寶連波每對青山憶黛螺錦帶書成頻寄否天邊
飛雁北來多

湖海詩傳卷二

青浦王 昶德甫輯

鴈 鶚

字太鴻號樊榭錢塘人康熙五十九年舉人乾隆元年

薦舉博學鴻詞有樊榭山房集

蒲褐山房詩話徵君性情孤峭義不苟合讀書搜奇愛博鈎新摘異尤熟於宋元以來載書碑說以孝廉需次縣令將入京道經天津查蓮坡先生謂之水西莊詩咏數月同撰周密絕妙好詞箋遂不就選而歸揚州馬秋玉兄弟延爲上客嗣後來往竹西者凡數載馬氏小玲瓏山館多藏舊書善本間以古器名畫因得端括探討所撰宋詩紀事遼史拾遺極爲詳洽今皆錄入 四庫書中其先世家于慈溪故以四明山樊榭爲號所作幽折尚妙刻琢研鍊五言尤勝大抵取法陶謝及王孟韋柳而別有自得之趣蓋然而清官然而遼韻宋詩之精詣而去其疎蕪時沈文懸公方以漢魏盛唐倡於吳下莫能相掩也予於戊辰歲在長洲趙君飲谷小吳船遇之辱爲亡年交嗣後徵君過吳必訪余于朱氏菴花水閣凡三年而徵君下世矣至其詞直接碧山玉田予已錄入琴書樓詞鈔故不具論

曉登韜光絕頂

入山已三日登頓遂真賞霜磴滑難踐陽崖曦乍晃穿漏深

竹光冷翠引孤往冥接滅衆間百泉同一響蔽谷境盡幽躋
顛矚始夷小閣俯江湖目極但莽蒼坐深香出院青靄落池
上永懷白侍郎願言脫塵鞅

宿永興寺德公山樓

昏黑山雨歇一徑松烟蒙微聞梅花氣吹落疎磬中詎惜衣
履濕宿處投支公凭樓荅人語迴與雲際同少選沈瀟斂俯
聽幽林風明星忽三五挂在殿角東短燭照春綠夜靜山逾
空觀河悟衆象拂石期冥鴻神清了無夢亂竅恍何窮焚香
以達曙茲焉悅微躬

永興寺二雪堂曉起看綠萼梅是馮具區先生手種
幽人先鳥起林欄正寂然是時春空霽山翠爭便娟的的花
間雨澹澹花上烟烟雨爲合離花態亦變遷祭酒昔游此手

種猶生前做兀根倚石欹倒枝映泉微磬委陳跡高格同枯
禪儒官罷亦得不廢招隱篇攀花久延佇世已無其賢

溪上巢泉上作

翫溪遂窮源東峯屢向背朝日上我衣春泉淨可愛不知泉
落處潄潄竹籬內喧聞兩聲鷗靜見一潭漚松風颺纖碧花
影蓄深黛名言猶有相幻照乃無悔悠然巢居心頗欲終年
對

晚入石人塢還永興寺

撥蘿尋微徑山意黯將暮幽討忘體疲窈窕入深塢激湍不
通人踏石凡屢渡返景忽難留蒼蒼目爭赴萬竹皆爲風千
花并成霧去鳥有遺音歸樵詎同趣夕梵懷信宿春溪延緩
步入門不生月仍倚簷際樹

同樂城耕民游艮山山在城東北高可二丈許蓋土
阜也旁列古松三四晚風蕭然殘雪在地卧殘碑已
中斷讀之不甚了了乃元艮山土神廟碑大德己亥
紹興路儒學錄古杭沈德章記并書廟不知毀於何
時作詩紀之

臯亭雪未消數峯榮可數城陰艮其背有此山戴土牽拂無
事朋共探風物古晚寒閉漁村斜陽入蔬圃疎松時一響似
喜我輩撫徘徊去仍畱斷碑記祠宇惟存猶兒年髣髴辨某
甫斯人今安在閱世如過羽社翁一尊酒寂寞罷歌舞明年
梨花時再尋北韋杜沙河春水生看客曳柔櫓

四月十五日同施自勗吳尺鳬游西山入龍泓洞
淺夏宜尋山幽深最靈鷲言瞻理公塔濃綠暗晴晝行勝已

十里地與峯轉秀石牀不暇坐窈窕入雲竇乳泉排蜂房其
下若懸霤絕疑秋雨時潄撲到襟裊圓穴居上頭晃晃天影
漏照見壁間書亡國有餘詬洞刻咸淳丁卯賈似道同客俞斯等題名蒼然畱後鑒反
似神所守嬖姍出別洞冷襲袂衣透恨不裝輕絲佛國殊氣
候

冷泉亭月夜

望月迎峯菴已吐鷺嶺背林閒炯積雪搖影紛瑣碎出門路
漸低步步入幽靄過橋松露滴茅屋一犬吠層巒凹復凸月
尙隱其內招要坐空亭萬木鬱垂蓋泉光動深池翻疑夜當
晦聞聲彌覺靜澗韻雜陰竊微於交枝隙忽見鮮雲挂此時
各無語翹首翠屏對颯然古精靈髣髴妙景會烟中客兒句
風外竇公咀欲畱凜生寒將去如有待今宵單牀夢猶繞琉

璃界

晚至溪上巢

林巒生春寒心在諸天暝列坐踈竹根微泉各爲聽花光淡
欲無松籟遞相應衝烟山鳥還余亦下蘿徑

西溪曉起

首春溪中寒偃卧如屈鐵宵分天柱夢覺來轉清切開門殘
月在下見數峯雪雪際生白雲宵暎不可說登橋水市靜尋
徑冰泉裂田翁尙無事初陽候林缺懷新意似欣理舊抱已
結何如巖棲人難竹飯松屑

行田至荆山嶺下作

大山何連延細岑若迴顧中有微徑通兩村隔松霧平疇開
朝日宿麥半凝沍雲根脈未洩涓流但微注野人籬落小鳴

雞隱雜樹雖無汜勝書農話眷幽素稍啓下溟業更羨上泗
住竹橋滑春霜往來定非誤

同吳西林汎舟西溪看梅

緩櫂縱遙目心與春流平邀侶以事解得朋因寡營峯色烟
上霽竹風沙外清一夜叢梅發幾處山窗明香中林鳥語引
我沿溪行積翠點殘雪陰淡寒自生西崦未云夕東畬方可
耕稚子肩迎客花間破柴荆

曉過福清竹院

探幽勇晨興靜院鐘未歇晴烟暎竹澄殘月轉花沒地僻養
靈姿氛潤蒙玉骨有如列仙儒初日晞薜髮深山畱古春凡
豔想易竭老僧空色相折取供白佛護此無盡燈常依妙香
窟坐聽籬落間絲羽囀清越

夜宿松靄山房

閑房駛雨過林杪挂星漢涼深欲添衣不但殘暑追蔬盂供
細食花巾奉清盥相偕靜者流共待疎鐘斷夜闌空山黑月
吐翠微半澄輝漾庭戶秋影互凌亂露蟲鳴始急坐覺歲時
換人生非學佛詎免遲暮歎感此不能眠衷回以申旦

晚由金家堰步至崇先寺

一峯抱花迴不知凡幾里遲日落未落散策從此始石梁跨
澗空苔枝皆倒倚入寺罷晚參僧堂寂如水詰曲收微徑返
景照花裏瀾漫徧崑壑春透無剩蘂乍疑吐佛光白毫映霞
紫復訝妙香生秘辭得禪髓盤桓憩松根結茅擬來此何必
問通波遠尋光福市

十二月八日敦復招集餅花齋食臘八粥聯句

歲序何崢嶸

周京穆門

星紀忽已而八葉抽堯蓂

金志章江錄

五德重漢

臘吟社邀襍

聯樊榭

山館喜簪盞浴佛東京遺

梁敬心設林

供西竺

法既釜精作糜

丁敬龍初

析薪燎以蠟果兼檜鼓膚

杭世駿墓浦

米槩升

脩合釋之復揉之

全祖望謝山

載剝還載招濾泉力斧冰

顧之麟

蒸餾

氣焚蒨汨汨醅汎缸

吳城吳亭

濃濃乳傾榼宿辦勝咄嗟

丁健誠叔

早

起占噬嗑坐疑集梅林

莊敬叔秀峯

圍如禮花塔不待木魚呼

穆何

煩齋鼓鞀素甌滿同盛

江聲

淨饌齊一呷甘芳滑流匙

樊榭

磊塊

利用挾羣喋訝水鳧

林護

餘瀝施簷鴿口香聞諸天

龍腹

果傲

古衲利益瞿曇云

董補

家風靖師荅緬思烹穀初

謝山

軒后澤溥

洽玉井象昭垂

田寸

藥釀紀職納人皆依食住

甌俗

始理生隱

貴或糅元黃

誠叔

三品侈和雜貧或點壘鹽

秀峯

七寶爭囁嚅或

詭名目奇

穆門

料斗說闔閭或困衆指繁

江聲

舖歎沸吹飲魚傳

放翁詩

樊榭

膏載叔庠割寒持濟軍飢

林

晨炊恤僮乏何如我

輩閑

龍泓

文史共歡狎蜡飲用上寅

董補

談議資某甲嶺梅吐萼

纔

謝山

山茶破紅恰騁辭筆紛飛

田

搜秘神有塔節物關朋賤

亭

故事徵梵夾流連至繡黃

誠叔

新月照簾押

秀峯

二月十七日重游洞霄宮探大滌洞天

振衣俗罷體更輕竹杖投石聲彭觥空山昨夜龍洗窟雨過
萬壑泉縱橫山靈知我有默禱故遣松風作前導一峯陰見
一峯晴天柱中央翠於掃元同先生昔隱居洞天長鎖琅函
書前游日夕未曾到恨身不得乘轎車穿盡幽篁履苔石驚
見餘訝洞門坼童子會爲擣藥禽桃花解笑題詩客此中日
月停兩九想像九夏尤清寒微明秉炬觸暗壁古靈題字來
尋看

洞中題刻多漫滅但見一處云陳襄述古來癸巳夏

玲瓏乳竇隔凡處路接華陽不歸去

有人問我洞中來爲說浮雲如柳絮

題敬身所藏崔子忠伏生授經圖

樹底危坐秦博士頭童背偻須眉蒼彼姝侍側兩鬟妥啟唇
似有聲微颺一人炯視面若削高冠褒衣意則莊刻深頗似
見顏色穎川掌故稱智囊據石作几俛首聽手操不律書幾
行登來化我本齊語豈至難辨如公羊此時未有蔡侯紙非
是簡策應縑緇羸灰旣冷孔壁匿聖權獨賴生扶將二十五
篇復繼出微言大義難低昂後儒往往疑作僞欲與百兩俱
淪亡典午清談那辨蒲覓切此地下齒冷梅豫章操矛入室眞
鹵莽安得生也相撐撐北平崔丹古節士布袍草履神揚揚
貴人乞畫怒不與槁死土室甘飢庭龍泓館主得小軸晨夕
坐對齋屋張遺經獨抱湖姚姒樸學正可傳諸郎猶勝濟南

一女子宛轉膝下青袿裳

焦山看月分得聲字

焦山寺裏鐘始鳴焦山寺前江月生此時月上潮復上風水
相薄爲奇聲餘音瑟瑟獵枯荻磔然飛起棲禽驚長波萬里
入杳靄中流一道馳空明數星莫辨北固火幾點不送南徐
更羣峯隔岸悄如睡何事賈舶貪宵行吳頭楚尾兼越角我
輩聚若九子萍同游者九人珉石興來弔鶴瘞瓊田望去呼龍耕坐
久起踏松影碎滿地窸窣霜華橫琉璃宮殿水精域佛界盡
在寒而清良朋偉觀那易得天教今夕二者并高詠坡公赤
壁句一尊酌月還同傾

東臯閑居

自給成新隱青苔徧舊蹊水明村裏外樹罨屋東西菜把官

羊敵茶香佛粥齊慨焉思靜侶安得手同攜

沈大匡先生華山草堂

心跡竟沈淪空山闕古春亭畱唐野史名在宋逋臣破壁全
題字雙松一作薪惟應千載上媿殺瘦腰人

晚秋夜雨有懷故園

落葉卷風雨客愁仍去年背燈三峽水欹枕九江船預想他
時話須妨此夕眠南湖烟翠色應濕草堂前

羊流店拜羊太傅祠

茅屋疎林雜晚炊羊公祠下獨來遲探環已失前生樹墮淚
猶存故里碑盛德在人如昨日清談誤世詎同時雍容裘帶
瞻遺像深媿無才進些辭

月夜渡江

露荻風林隱戍樓宵分月上動行舟凌雲髣髴三山意濯足
空明萬里流北府兵厨誰與載南朝詞客肯同游人間奇絕
成孤賞喚起魚龍一笛秋

北府兵厨宋
時鎮江酒名

二月十日同丁敬身金質甫陳江臯登寶石山天然
圖書閣

塔下樓開蹕級登東風聊憶昔游曾春深城郭渾如畫定裏
鶯花不屬僧人影漸移湖上柳烟花又綠壁間藤留題爲紀
閑蹤跡只有看山詫最能

送沈確士歸蘇州

滿天梅雨合思吳早挂烟中十幅蒲白髮定能爭席否朱絃
曾遇賞音無人同樂聞文偏潔宅近靈巖趣不孤只恐鷗情
成閒阻五湖那復憶西湖

悼亡姬

病來倚枕坐秋宵聽徹江城漏點遙薄命已知因藥誤殘妝
不惜帶愁描悶憑盲女彈詞話危托尼妲祝夢妖幾度氣絲
先訣別淚痕兼雨洒芭蕉

郎主年年耐薄游片帆望盡海西頭將歸預想迎門笑欲別
俄成滿鏡愁消渴頻頻供茗椀怕寒重與理熏篝春來憔悴
看如此一卧楓根尙憶不

除夕家筵已暗驚春醪誰分不同傾銜悲忍死畱三日愛潔
耽香了一生難忘年華甘尙剖暫過石火藥空擎祇餘陸展
星星髮費盡愁霜染得成

姬人歿之前一夕索
予掌溫柑尙食其半

舊隱南湖淥水旁穩雙棲處轉思量收燈門巷飲微雨汲井
簾攏泥早涼故扇也應塵漠漠遺鈿何在月蒼蒼當時見慣

驚鴻影纔隔重泉使渺茫

蒲陽山房詩話樊榭下世墓于杭州西溪王家塢因無子嗣不久化為獐犛後四十餘年何君春清琪游西溪田舍見草堆中樊榭及殯人月土栗主在焉取歸偕同人送武林門外牙齋黃山谷祠掃酒一室以供之予為撰丈室花同天女散摩閣詩共老人參句以題其楹李光甫方湛路蔣村炯陶魁香梁諸子皆有詩詞記之樊榭生于康熙三十一年九月十一日辰時歿于乾隆七年正月初三日戌時並屬蔣村及頭金門壩許周生宗彥各于忌日奉酒薦薦焉

春寒

漫脫春衣浣酒紅江南三月最多風梨花雪後醺醺雪人在

重簾淺夢中

題周兼南唐小周后寫真

命婦隨朝掩淚光虛聞龍袞紀興亡畫師自有春風筆不寫

傷心入汴梁

龍袞江南野史今所傳不全載小周后事見王銍默記

明鄭貴妃書泥金背門品經同丁敬身作四首

卷首題云大明

萬歷甲辰年十二月吉日皇貴妃鄭謹發誠心沐手親書觀世音菩薩
普門品經一卷恭祝今上聖主祈願萬萬壽祺永享康泰安裕吉祥

梵夾瓷青出漢京翊坤題處最分明依稀買得研神記紙上

香多蠹不成

明大內寫金字經多用
瓷青紙翊坤鄭妃宮名

巧笑由來雨露偏佛恩遣在聖人前開函稽首無他願一筆

泥金壽一年

柘館餘閑罷女紅祝釐不與衆嬪同也勝密誓高元殿小字

親封玉合中

城南詩老觀空久特賦新詞繼夢華更待秋山黃葉下與君

禮足九蓮花

靈隱寺有慈聖李太
后賜九蓮觀音一燈

西溪山莊有感

闌歷垣衣戶網塵嫩寒惻惻那禁春一池好染羅裙水只照

梅花不照人

錢陳羣

字集齋嘉興人康熙六十年進士官至刑部侍郎加尚

書謚文端有香樹齋詩集

蒲楊山房詩話公久直內廷深蒙知遇而乞假歸田之後恩禮尤深時賜御製詩章俾其屬和賀子便番至以明僧紹爲比及羣華臨幸南邦公輒在屬車豹尾間矢音廣和詞臣歸老榮眷有加爲自古所未有也公位隆望重而愛才如不及予鄉會試三座師皆出公門下於羣爲小門生而公以乾隆辛巳入都祝釐亭尚未進謁公已先來訪適于上直未歸關人辭焉公不許直入蒲楊山房坐俟子歸劇談後去蓋其瀟灑絕俗如此先是公督學江西特拔將君士銓于嚶東中所過名勝輒有題字而北蘭寺墨跡尤多子兩至江西公歸追山已久公子東麓侍郎謝世亦四載矣時與蔣君衡覽遺詩不自知其悽黯也

渡潯陽江經廬山至德安次香山德安趨潯陽韻却

簡柱川太守

侵晨薄潯陽煩慮始一展廣川利泛涉層巒揖清緬穿石水
紆迴出岫雲舒卷攀危倚僮僕攬勝去帷幙西崦竹逕封東
林碑字選登頓信云疲散誕乃忘倦山程延信宿茆屋就僮

蹇復此遵修塗仍欣開別巘村稠市稍喧
磽路初轉通津俯金帶古渡歷敷淺稽圖
豈遂游托志聊紀顯凌虛馬啼蹴窮絀
吾目眩題詩報故人卽事得幽遣

題林上舍涪雲陶舫硯譜

端石如端人厥質靜而正徵行謚旣彰傳
愛銘可鏡此冊林氏守名輩互考訂銛鋒
礪纖阿圭璧發晶瑩詞兼鱗柳深體許斯
豐並借觀不忍釋秋窗張短檠龍尾穴已
湮鳳味賞難更碧瓦多飄零黃眼爭季孟
品題有羣公石室事稱盛我老當學耕與
君租一稜

東林寺和王文成題壁韻

下馬登山踏秋艸路入東林覺秋好處士
高僧跡已陳廬山面目何曾老石罅寒
筑泉聲哀酌泉仰看芙蓉開天池拂水

落天半餘噴似逐清風來出門西去重回首今宵且醉山村
酒醉中猶認壁間題龍蛇生動不可朽故人高閣虛中庭中丞
開公遣吏來迎采芳遲我江之汀夢回記上爐峯頂北指恒燕一髮青

楓香驛次靜山侍御韻

入山身在白雲鄉複澗迴溪間野航瞥見新槽聞酒熟始知
小驛是楓香夢回郢尾人千里月滿樓頭雁一行馬上閒情
數秋草露葵開老尚當陽

盧見曾

字抱孫號雅雨德州人康熙六十年進士官兩淮鹽運
使有出塞集

蒲褐山房詩話運使短小精悍有吏才總督那蘇圖特薦謂其人短而才長身小
而志大嘗為四川洪雅縣令故以雅雨自號其鄉王阮亭尚書風流文采故
前後任兩淮運使各數年又值竹西殷富接納江浙文人惟恐不及如金壽門農
陳玉几俱屬樊榭鷄惠定宇棟沈學子大成陳授衣章對鵬臯兄弟等前後數十

人皆爲上客而是時地主馬佩兮曰璚秋玉曰璚及張漁川四科易松滋諸成興
扶輪承蓋一時文酒稱爲極盛又校刊乾鑿度高氏戰國策鄭氏尚書大傳李鼎
莊周易集解封演聞見記諸書又補刊竹垞太史經義攷非以國朝山左詩人
最盛爲綱編修通行張孝廉元董庶常元度諸人採輯傳世修小秦淮紅橋二十
四景及金焦樓觀以奉辛未丁丑兩次
晨游其愛古好事百餘年來所罕見

承 恩出塞畱別揚州諸故人

解網 綸言下九閣孤臣猶在識 天恩三年便許朝金
闕萬里何辭出玉門沙暗陰山秋獵壯雪明瀚海夏裘溫多
情應信揚州月直送征輪到塞垣

休致歸里畱別揚州

力憊宣勤敢自憐薄才久任受 恩偏齒加孫冕餘三歲
歸後歐公又九年犬馬有情仍戀 主參苓無效也憑天
養痾得請懸車日五福誰云尙未全

平山回望更關愁標勝家家醉墨畱十里林亭通畫舫一年

蕭鼓到深秋
每看絳雪迎朱旆
轉似青山戀白頭
為報先疇墓田在人生未合死揚州

顧棟高

字復初無錫人康熙六十年進士乾隆十六年以經學

徵官至國子監祭酒

蒲褐山房詩話震滄先生少與蔡進士德晉吳孝廉嘉楠心經術尤長於春秋既提南宮官中書以奏對越次罷官遂不復出所著大事表翠公毅之微言正杜孔之義疏凡楊轉紛紜之說悉為定其指歸表而出之蓋宋元以後諸儒無其精確也乾隆辛未以經學徵賜官國子監司業不就丁丑迎鑾晉祭酒時年幾八十矣是時寓維揚者數月猶見其換毛詩類釋今亦錄入四庫書中先生不好吟咏而大事表後附論春秋詩皆無關風雅故從梁溪詩選中所錄止此

寄秦子樹澧京邸三十韻兼柬蔡子宸錫吳子大年

春秋有淵源其秘舅氏啟閉門四十載著述浩難紀餘膏瀝後人愚也叨染指蔡子亦勃興不謀而同軌鑽研事三禮註疏繁且哆余著宮室圖三代遺基址蔡子有禮傳精入豪芒

裏質齋兩昆仲

六年號質齋與賢弟
遵義並以經學名世

臭味略相似易傳與春秋著

論各宏偉秦子年最少味經得經髓

味經奉
子別號

窮經著實用穎銳

尤莫比治河洞古今鹽筴析源委乘時並高翔稽古光有燁

而我守窮廬麟經究終始諸儒論積薪不肯隨諾唯編年從

周正紀事因魯史朔閏補長歷與圖看聚米紛紛日月時瑣

瑣爵名氏一掃支離障庶得筆削旨謬誤斥公羊災異強董

子州次而邵居分肌兼析理爲卷四十九大義貫首尾所恨

帙浩繁未能致雙鯉良友兩三人無由攻疵痕舅氏有從孫

謂華子
師道

貫穿窮根抵郵筒數往來辨論析朱紫伙助良不淺剽

割豁頑鄙此事有由來先河而後海十年粗告成吾友當心

喜天遠 帝城闕白雲空徒倚

正月十四夜泊建寧城外

春來漫說短長亭迢遞離腸酒易醒兩岸青山圍素月一溪
寒水宿殘星人依樹色經年老舟帶灘聲午夜聽料得家鄉
燈火間可知客路在郊坰

戴亭

字通乾號遂堂遼陽人康熙六十年進士官齊河知縣

蒲褐山房詩話蓬室襟情超邁詩筆堅剛自齊河罷官後率其小妻漂泊江湖久之依雅雨廬便于刊上嘗與予同寓真州言生平所想企者惟李城君陳石閭兩布衣餘子不足數也故雅雨爲刻遼東三老詩以傳之性善飲至數斗不亂年近八十親如嬰兒自誇得容成之術予入都後年餘聞影寓金陵一夕無疾而卒

宿來青軒

已覽香山勝還尋勝地眠陰厓連戶竹疎磬出山烟月色綠
堦上泉聲到枕邊夜來魂夢冷身出白雲巔

山行

屏至幽棲地長懷出世心緩隨流水去漸入白雲深壩里澹

斜照烟蘿生暮陰道逢樵牧侶閒坐話中林

雨後山齋

山齋雨乍晴新月照茅屋萬籟寂不喧殘聲滴疎竹

秋雨

孤艇泊秋林夢繞江天路寒雨帶歸鴻飛向江南去

沈起元

字子大太倉人康熙六十年進士官至光祿寺卿有敬

亭詩文集

蒲褐山房詩話先生自濬之子處爲名儒出爲廉吏自興郡以至方伯所莅之地
深求利弊次第斟酌行之心切愛民而以寧靜不擾爲主入任光祿寺卿引年致
仕生平清操自勵進退超然與武林虛船通政相似而詩學尤醇歸愚先生謂高
者撫杜陵次者近白傅信也甲戌秋予在濟南先生主濼源講席把臂甚歡出所
著周易孔義集說版亭詩文集見示因得其學問之詳歷城周君書倉永年時年
弱冠在書院中能讀徐氏通志堂經解先生譽之令予相見其後書倉以辛卯登
進士官翰林東通內典爲濟南學者沒後詩什無存故附記焉

秋日過顧思儼

秋容老更嫵
埜步尋幽居
天空高不盡
水冷清如無
曲折依蔬圃
往往逢樵漁
何以識君家
繞岸鮮芙蕖
菜稻黃喧鳥
雀池晴漾游
魚種藥霜不
死晚秀盈階
除分畦植菰
韭向日課耰
鋤靜觀造化
理自著蒙莊
書此樂真自
得淵明復何
如

石壁

客從花中來
僧向花中住
誅茅傍峭壁
日影常半吐
修篁入天翠
偏愛侵細路
石古柏根穿
松高巢鵲乳
羣梅遶牆外
迴顧失來處
欵接來山童
香茗煮花露
坐久客意安
徘徊不知暮
尋幽定頻來
勿以花落故

溪閣秋晚和小山

寂爾秋遂晚
落葉散復聚
斷州忽如雲
池中碧天曙
秋光入

靜睇會心不知處孤吟欲有贈望望夕陽去

紀行一百韻

男兒不成名飢驅遠行決亦知北地苦且念內顧缺割棄試
一行百恨難具說平生負奇氣少小頗挺拔落筆一身胆結
交寸心無狂言衆所哈志與蒼生切功名不足取肯念生理
拙阿翁垂七十鬚髯皓以潔數奇老不遇意氣餘覬豁一子
嗟晚舉瞠目望早達十年走文場三試竟三黜劬勞阿母心
兒大母已沒事母痛已虛事翁力何竭士窮未爲辱念此增
內熱幸逢 右文朝曠典下金闕思走長安道聊振雙羽鍛
似非翁所歡勉強聽楚出堂前苦無人欲出轉愁絕翁有舊
執友四五青雲列平津篤恩義投林匪干謁買絲製羊裘買
布製短褐厚綿裝被褥弱線理巾襪懷中一卷詩心知覆瓿

物冠蓋多賢豪尚冀賞真骨落落辭朋儕依依謝親暱知己
各有贈規誦具古質閨中有病妻餘情復騷屑畱勸諒兩難
徒看啼綆抹幼女無所知弄餌倚爺膝且託丈夫志掉首未
遑恤阿翁悽遠送無淚向兒咽仲冬北風寒三更虎邱別始
惜失乳孩夢寐殊忽忽同行有繆子心形故膠漆舟車共長
途吟嘯散怫鬱荷天假晴和千里弄雲日首塗惠山寺孤塔
烟中戛泉聲茶思清帘影酒情逸漸看雙岸高稍驗下水疾
吳楚山忽斷一道江流活巍石撐洪濤海門樹修闌朝暎斜
彩飛濕霧浪痕滅片帆掠鳬鷗瓜步倏超越頓覺故山遠吳
雲望中失蕪城煬帝家枯楊剩芽蘗邵伯積水長烟草中蕩
潏人家半淹漬雁鷺難鳴聒俯視淮安城盃底萬家室窺簷
亂帆度憑舷女牆沒疏鑿荒禹功州陳師繇術哀哉生民魚

千載憂憤齧恬波受輕梁河靜流轉滑旁支避險艱斯公著
宏烈鷺鷥立清淺蒲葦與曲折功名垂不朽豈必在賢哲洋
河見清流俯映醒眉髮就漁擊仙鯉祈膾猶撥刺亂山童亦
佳晴烟媚崑崙夜寒風力尖冰凌長川截光清日影淡氣肅
天容室摧擊恃巨椎琤琮玉聲裂遂使一日程三宿始改轍
旅舍濟寧城驚心值令節離情一線添燈暗天欲雪凌晨乘
柴車簸蕩比糠粃辨途認征鐸鷄聲遞木末踈星閃餘芒日
色冷烟過霜花順風飛人馬鬣鬣結軟沙或埋輪瘦石或拒
轄揚鞭乍奔騰倦程時蹙蹐寒林村落虛葉脫混梨栗客來
嗟過時玩樹思解渴樵髡古柳枝童曝敗榆窟空霄孤隼閑
荒野羣豕突騎驢看少婦羞顏蒙緇纈塵埃劇霾霧咳唾澀
齒舌自從河流徙齊魯膏潤洩苗畝變磽瘠莠植鮮稻秫承

平日已久土城壘蠟堠小邑數十家茅屋見闕闕暮投村店
宿泥床衾似鐵苦酒一再斟北食四五設羸雞宰金距美菜
煮玉笏屑麪更作餅團團似規月佐以秬黍粥飢來愧饕餮
四壁疥題詠妍醜未區別河間太守堂通家下陳榻溫湯洗
盆垢負芒快一掇詰朝指趙北重霧裹林樾天晴帝城開
瑞靄紛籠綬車馬如雲烟小儒媿薄劣傍午登相府遂許解
鞍歇先達假令顏故知慰契濶疲形得乍休游魂尙恍惚歲
暮客窗深清燈照孤子江南杳何處北斗如可揭計程越三
千數別途一月家翁此際情到期指應屈如歸固云喜心定
轉憂愒急思報平安深夜呵凍筆

下十八灘

下灘喜安流客心付輕櫂復此風日佳江山耿瀟照連峯帶

波迴雲水相窈窕一箭瀉盤飴飛鳥不可到近跡已倏經遙
情復紛召翻緣巨石橫得領清景要月流千縷光籟起萬山
竅漁歌落遙空客思正孤峭去帆何匆匆終傷流景慄

桐廬江中作

霽巖峭殘雲蒼翠不可象石色萬古新風日與滌盪峽曲江
逾急帆勢青冥上前途旣迷阻後逕復懔懔林密鎖秋烟蟬
寒有餘響孤村不見人老樹挂疎網清陰起遙情靜日寓延
賞何必子陵灘高風令人仰

喜雨

久旱望雨切無雨雲亦好今朝忽飈盆神功顯大造危簷挂
飛瀑垢除走橫潦飄洒林氣動翻若烟塵擾紙窗破忽盡洞
達領清瀨琴書沾漏濕敢嫌吾屋老此時田間農狂呼天雨

稻穀熟農固喜米賤吾亦飽破屋與麤飯平生事足了雨罷
颯然秋長風送懷抱

集穎山齋賦鬪蟋蟀

少皞行殺機蟲豸氣先受趨趨起郊原唧唧滿戶牖幽士感
孤懷點兒逞捷手巖厓剔穴曉暮迹莽蕪獲異珍掌握養
材及配偶雕盆比金湯頒食選玉糗頭鬚盡兇矛項領擁杵
臼負鼓張怒翼含鋤鋸毒口草間出韓彭席上爭季郗旗幟
標錦彩輝映秋八九俠客呼鷹侶閒曹鬪雞友致師曳弱營
拔柵開細柳未戰厲刃須先聲憑氣取初看齟齬交如聞劍
戟鏖脇膊興方酣騰挪迭相蹂勢均前却窮力并轉側久一
擲或暫解再合似佯誘寸吻未云裂兩股詎肯後微傷強撐
振並仆益紛糾呼吸不相當斫刺已遭拊賈勇一鳴驚亡魂

四隅走竄伏思藏頭追奔更拉肘壇心決死生客面徵勝負
捐軀果何爭哉類異滅醜造物孳蟲賊歡場狎斯阜斯蚤阜蚤皆蟋蟀類
宮掖唐家戲平章賈相詬流風昔朝宁好鬪今童叟長吟在
野篇幽詩王化首

題元祐進馬圖

程黃江收藏圖五馬每馬後標記年月甚詳意若當時進貢圖籍獨不載畫者姓名畫邦生動有法一匹元祐

祐元年四月初二日至驛驛院收重臣進到錦膊總八歲四尺六寸一匹元祐元年十二月十六日至驛驛院收子關進到驄頭總八歲五尺四寸一匹元祐二年閏月十九日溫溪心進照夜白一匹元祐二年十二月二十三日于天驕監揀中蔡馬好頭赤九歲四尺六寸一匹元祐三年八月初九日進到豹頭驄四尺六寸

六寸

趙宋全盛元祐初舉朝卿相皆鴻儒巍哉元老溫與路二呂
三范同機樞六合清明萬物遂兩宮日月羣公扶代遠人亡
青史舊流傳墨寶珍茲圖茲圖五馬盡神駿元祐年月來穹
廬董璫初進錦膊驄于闐鳳頭如鳳雛照夜白自溫溪獻好

頭赤本秦中駒豹頭誰進偶缺畧馬齒尺寸端詳書青絲一
人牽一馬冠服各異馬色殊行歸華廐新翦刷羈馭未受當
風趨駿尾飄拂連錢動骨肉精態情不癰筆飛墨走落空橫
姓名失識知誰歎承平在眼圖在手蒼茫俯仰生嗟吁中朝
有人四夷服胡馬不敢嘶邊隅遐邦貢獻琛寶却要使龍種
歸騶虞大宛汗血涉海至豈事漢武窮兵誅聖后垂簾真相
立重譯跪進彤庭臚鳥言卉服次仙仗特詔畫手工描摹黨
碑一出天地閉陰霾障日中原墟銅駝荆棘生轉瞬此馬知
否來南都馬不可問圖尙好刼灰千載空區區君不見他年
窺覬偷寫照有人立馬憑山湖神器一跌元祐末章蔡之肉
何堪舖酒酣歌此意慷慨冬青樹老啼霜烏屏斥騏驎駕鶩
劣由來此恨無時無

北行舟中懷許二子遜於兩粵

別後風流憶邈然
驚人佳句萬人傳
狂來魯國真男子
俄後淮陰尙少年
揮斧莫教修皓月
銜杯何處問青天
南游芳草萋萋遍
夢到羊城路幾千

三年京洛共牢愁
二載章江復漫游
雁陣分行偏度嶺
梅花無使獨登樓
細斟椰酒千場醉
曼舞珠娘一笑畱
可道春江明月夜
思君有客倚孤舟

蔣恭棐

字維御長洲人康熙六十年進士官編修

景州董子故里

嫚秦廢學校坑儒并焚書
師吏辜誦說六經歸榛蕪
漢興雖天授創業由征誅
典禮命叔孫絲葛誠區區
百年生董子私

叔洙測徒下帷絕窺園精心究典謨從容對三策致君期唐虞武皇內多欲遇之以虛拘詎能崇正學詔令相江都後復相膠西驕主重詔諛誠正能感通兩地無齟齬邪臣懷妬嫉

主父偃
公孫宏

譎計何從攄春秋詳災異衆口訾其迂弟子昧師說

呂步

舒

妄謂論大愚獲辜得免死緘口全其軀所幸聖道明邪正

分殊逸以待後來者迭起胥匡扶有宋五子興直惻姬孔初日月懸中天蒙翳消雲衢何人啟禽徑廣川實先驅而胡昌黎伯吐辭取敷腴屈原司馬遷子雲與相如論道遺董子所見猶偏隅我過景州里祠宇鼓枌榆稽拜瞻儀容和粹緬真儒王道復誰陳攬轡空踟躕

尹繼善

字元長號望山章佳氏滿洲正黃旗人雍正元年進士

官至文淵閣大學士謚文端有文端公集

蒲錫山房詩話文端公歷任封疆履歷章間數歷五十餘載承先啟後三代平章
史冊所罕觀也公在江南最久慈旌豈梯沾洽閭閻而官吏倍心敏手無敢稍爲
乾沒及去而清弊漸滋至今猶頌其刑故民開恩而誦之公入 聖詩云 九重
原念是江鄉部屋年來少瘡痍疾苦未全登奏草 帝心早已切如傷多年積
弊問誰徐云氣於今尚未舒曰野望鴻猶滿眼頻請景象近何如直以民隱具陳
寓規于頌實有古大臣風範特耽吟詠詩等牛嘯發後舉中丞沈與綬侍讀長明
與而刻之僅
什之三十四兩

秦隴江南余皆三至新知舊雨聚散無常癸酉春日

一房山齋中感懷口占

惜春屢唱送春詞人似浮雲任所之白下風光常入夢青門
花柳又題詩行來蹤跡離還合老去情懷笑亦悲此日齋前
頻把酒明年賓主得知誰

余將赴金陵得袁子才山中寄懷詩依韻和之

廿年四度到江城江草江花屢送迎白下爭看新使節青山

仍伴舊書生梅因耐雪香逾晚雁爲凌空影自橫野外清開
無底事行雲來去尙關情

瑤琴獨抱向誰彈僻處荒村夢亦安膝下晨昏方日永間中

嘯傲覺春寬

來世有山中歲月
膝下晨昏之句

隨風笑我舟無定卧雪憐君骨尚

寒欲問年來身健否幾回北望整征鞍

高東軒東省查災甫竣又奉

命來南勘河余於

病中寄懷卽用東軒舊韻

年來轍跡遍東南
雨歌傳信不慚山
左茅簷如望歲
汴陽古渡又回驂
秋深澤畔鴻皆集
路滿棠陰樹亦甘
那得揚帆登畫舫
清波皓月夜深談

流水行雲不染塵
先憂後樂總忘身
廿年豈易成知己
千里還應似卜隣
望月定多懷友句
隨風誰是繫舟人

署中舫屋料
名不繫舟

公此日逢窗枕夢裏猶思海上民

學使劉崇如所得三鶴忽失其一復賦

胎禽攜傍碧雲陰世上塵氛未許侵
纔喜蹁躚來瘦影忽從寥廓動
遐心養成羽翮三秋健借托烟林一載深
也似鵬飛萬里去不甘寄跡在江潯

幾見梳翎碧沼頭一聲清唳別羣流
海天自覺乘風杳竹塢曾經對月幽
鷓鴣鷺縱多誰作侶稻梁雖好莫輕謀
不知亭畔雙棲者可羨翱翔得意游

和如菴學使臨行前一日不繫舟小集卽事兼以畱

別韻

池上風清送晚涼招尋把酒對秋光
人逢舊雨情偏遠山帶斜陽色倍蒼
老圃湯嬾紅葉少好花終覺素心香
更深重話

當年事福地閒雲景不忘

如菴和尚游孤山詩有千年福地無人到一片閒雲有夢通句

又向棲霞欲逗畱看山夙願可全酬連朝送客頻題句兩地懷人易感秋曲徑自隨幽澗轉大江仍抱碧峯流雲烟深處塵寰隔拾級應登最上頭

過燕子磯永濟寺

每過精藍便繫船非關前路受風偏秋殘野岸丹楓冷水落空江翠壁懸月色微茫僧入定鐘聲斷續客初眠回思十七年來事似與名山有宿緣

落葉聲中響木魚茶烟輕散晚風餘探幽路慣依山轉隔岸人多傍水居幾度登臨皆偶爾再來意興復何如虎溪一笑重回首又送行雲過太虛

張廷瑑

字桓似桐城人雍正元年進士官至工部侍郎

過永濟寺贈默上人

一徑秋陰蹋蘚苔翠蘿深處寺門開懸崖石色窗中出繞閣
江聲樹杪來賸有禪房容徙倚尙畱先澤重徘徊流光五十
餘年事又到蒲公舊講臺

康熙壬戌先公有
贈蒲公和尚詩

松堂清閤聽鐘魚苦行山僧八十餘卓錫不曾行脚去繡經
爲愛閉門居閒雲野鶴心同靜瓶水爐香意自如古木十圍
忘歲月蒼顏相對一窗虛

王安國

字書城高郵人雍正二年殿試第二人及第官至吏

部尙書謚文肅

蒲褐山房詩話文肅清流眉目官廣東巡撫每以風節自矜及入長六官晚年充
會典館總裁所撰欽上比周官唐六典以下不屑道也乾隆甲戌予以會試入都

公逸同編見老嫗所抱髻停玉峙瑤環瑜珥卽今給事中懷祖時纔十餘歲耳公歿懷祖幼而好學長與興化李進士倬江都汪宣生中泰州劉廣文台拱陳研經義而小學尤精所撰虞雅疏證剖析毫芒咸歸古義時人言訓詁者莫之能逮子引之伯申以第三人及第春華秋富兼擅其長省公之遺澤也子嘗奉使瀛事高郵有司以公居爲館舍見其宅第廡廳廳事至不容旋馬益知清德之西歸久矣

游蒜山

杖策期我侶極目烟嵐飛披徑躡層岡緣源面修碕空水寒
無姿淡綠生已微僂僂一老僧隔澗開山扉延客坐松寮梵
響生清機谷幽光易暝江遠聲逾稀衆籟窅然合心清無是
非憇久神彌愜徒倚憺忘歸舉手謝前嶺逶迤窮林霏

山光引游子窈窕乘險絕路歧情屢眩徑錯興逾發修竹翳
層陰危松綴殘雪衆鳥寂無聲驕眉林響徹石氣入昏冥川
光互漂擎岸轉失來蹤豁明得前白斜日下江臯餘霞蕩晴
碧夕嵐落千尋空色遞相敞握手尋舊蹊一一想所歷忽看

江上月遙遙挂蘿壁

樓 儼

字敬思號西浦義烏人寓居上海以薦入 武英殿修

詞譜官至江西按察使改京卿有蘧笠軒僅存稿

舊稿山房詩話西浦寓居申浦與雪莊張幻花以詞唱和兩君遊道其工康熙
己丑 詔修詞譜被薦與杜紫綸同館纂修時所製考訂源流會與正宜與萬
氏詞律百有餘條殿中察要又以張題之詩餘圖譜程明善之晴餘譜及毛先舒
之詞學全書率皆思慮錯雜倘聲家無所遵守因自訂羣集一書以四聲二十
入詞爲經而以詞之有官調者爲緯併以詞之無官調者依世代爲先後
附于其下竹垞先生曾爲之序後以卷帙繁重未及開雕今不可復得矣

過同官峽用韓詩原韻

蠻鄉臘月天詩境亦不少閒閒
巖洞花澹澹沙洲鳥凍雲釀
微寒薄雪弄清曉作吏雖庸庸行已實矯矯江山景不殊俯
仰腸空繞試問公家事茫茫誰可了

初秋夜坐

秋到月逾白暑微風漸清微吟忘漏下久坐覺涼生昨夜蓊
鱸夢當年鷗鷺盟拂衣歸亦得鷄肋戀微名

龍江晚泊

風晴日暖浪花平一櫂秋江鏡裏行薄暮山光多黯淡近邨
人語漸分明長官自諳江湖趣父老空勞燈火迎指點星河
天色冷船頭小立露華生

清明

三分春已二分春幾日驚看火又新人面桃花紅乍吐裙腰
草色綠初勻試茶擬問山中信插柳空憐客裏身誰道秋千
村落好東風吹滿散裘塵

光霽堂讌集演邯鄲夢傳奇口占二絕

一枕風光夙願償醒來猶未熟黃粱銀爭檀板尋常事譜出

英雄淚幾行

尋思我亦夢中人
一劍千山事已陳
回首瘴雲天似墨
恍疑磨盾是前身